

ՀԱՅԱՍՏԱՆ-ԹՈՒՐԻԱ ՓՈՐՁԱԳԵՏՆԵՐԻ ԵՐԿԽՈՍՈՒԹՅԱՆ ԽՈՒՄԲ

ՈՒՂԵՑՈՒՅՑ ԵՎ ՏԵՂԵԿՈՒԹՅՈՒՆՆԵՐ ՀԱՅԱՍՏԱՆ ԺԱՄԱՆՈՂ ԹՈՒՐԻԱՅԻ ՔԱՂԱՔԱՑԻՆԵՐԻ ՀԱՍԱՐ

Հունիս 2021
Հելինակ` Արա Ղազարյան

Չնայած Հայաստանի և Թուրքիայի սահմանը փակ է 1993 թ., առկա է ուղևորների զգալի շարժ Թուրքիայի և Հայաստանի միջև: Հարկ է նշել, որ այցելությունների թիվը մեծանում է ոչ միայն Հայաստանից Թուրքիա, այլև հակառակ ուղղությամբ: 2009-2019 թթ. Թուրքիայի մոտ 110 հազար քաղաքացի է այցելել Հայաստան:¹ Հիմնականում նշվում են այցերի հետևյալ նպատակները՝ զբոսաշրջություն, բիզնես և կրթություն: Վերջին տարիներին բացի ժամանակավոր այցերից՝ Թուրքիայի քաղաքացիների շրջանում գրանցվել են նաև մշտական կացության կարգավիճակ ստանալու նպատակով այցեր: Այս դեպքերի հիմքում ընկած պատճառները կապված են թուրքական այն բիզնեսների աճող թվով, որոնք սկսել են ներդրումներ անել և գործել Հայաստանում՝ Երևանում բացելով խանութներ և գրասենյակներ:² Թուրքիայի քաղաքացիները կարող են բախվել մի շարք խնդիրների թե՛ ժամանակավոր այցերի, թե՛ Հայաստանում երկարաժամկետ կացության պարագայում: Դիվանագիտական հարաբերությունների

Արա Ղազարյանը Հայաստան-Թուրքիա փորձագետների երկխոսության խմբի անդամ է, Հայաստանում մարդու իրավունքների ոլորտի առաջատար փաստաբաններից: Նա մարդու իրավունքների թեմայով վերապատրաստում է իրավաբանների և լրագրողների: Բազմակողմանի ուսումնասիրություններ է իրականացրել մարդու իրավունքների վերաբերյալ:

Հայաստան-Թուրքիա փորձագետների երկխոսության խումբը երկու երկրներից փորձագետների համատեղ նախաձեռնություն է՝ բաղկացած քաղաքականության, դիվանագիտության, գիտության և քաղաքացիական հասարակության ոլորտի մասնագետներից, ովքեր պատրաստ են աջակցելու Հայաստան-Թուրքիա հարաբերությունների կարգավորմանը տարբեր մակարդակներում: Երկխոսության խումբը ձևավորվել է 2016 թ.: Երկխոսության խմբի հիմնական նպատակը երկու հարևանների միջև հարաբերությունների կարգավորմանը նպաստող վստահության ամրապնդմանն ուղղված միջոցառումների մշակումն է: Երկխոսության խումբը մասնավորապես հետաքրքրված է առևտրի և բիզնեսի, միգրացիայի, կրթության և մշակույթի ոլորտների հնարավորություններով և նորարարական գաղափարներով:

բացակայության պատճառով այս խնդիրների կարգավորման համար անհրաժեշտ հյուպատոսական կառուցակարգեր առկա չեն, ինչի պատճառով շատ հաճախ այս անձինք հայտնվում են անորոշության մեջ, և իրենց հասու տեղեկատվությունը կարող է բնույթով ապակողմնորոշող լինել:

Թեև Թուրքիայի քաղաքացիների՝ Հայաստանում ունեցած որոշ խնդիրների և դժվարությունների դեպքում հնարավոր է լուծում գտնել, կան մի շարք այլ խնդիրներ, որոնք անհնար է հարթել առանց հյուպատոսական ծառայությունների առկայության: Օրինակ՝ Հայաստանում բնակվող Թուրքիայի քաղաքացիները չեն կարող իրացնել ընտրելու իրենց իրավունքը, քանի որ նրանք ստիպված են գնալ Վրաստան՝ Թուրքիայի հյուպատոսական ներկայացուցչություններում քվեարկելու համար, իսկ դա լրացուցիչ անհարմարություններ կարող է առաջացնել: Արդյունքում նրանք հիմնականում չեն մասնակցում ընտրություններին: Մեկ այլ խնդիր է վերաբերում է Թուրքիայից Հայաստանում քաղաքական ապաստան հայցողներին, քանի որ ներկա պայմաններում համապատասխան կառուցակարգերը դարձյալ բացակայում են:

Ուստի այս փաստաթուղթը նպատակ ունի լրացնելու Թուրքիայի և Հայաստանի միջև հյուպատոսական հարաբերությունների բացը՝ անդրադառնալով առնվազն այն հարցերին, որոնք ինչ-որ կերպ հնարավոր է շրջանցել կամ լուծել: Այսպիսով՝ սույն փաստաթուղթը տրամադրում է տեղեկություններ մուտքի արտոնագրի և կացության թույլտվության ստացման

ընթացակարգերի, արտաքսման, ազատագրկման, արտահանձնման, ապաստանի հայցման, սեփականության իրավունքի, դրամական փոխանցումների և իրավական աջակցության մասին, որոնց վերաբերյալ Թուրքիայի քաղաքացիները հարկ է, որ տեղյակ լինեն ինչպես Հայաստան մեկնելիս, այնպես էլ Հայաստանում գտնվելիս:

Մուտքի արտոնագիր (վիզա) և կացության թույլտվություն

Թուրքիայի քաղաքացիները կարող են մուտքի արտոնագիր ձեռք բերել կա՛մ Հայաստան ժամանելու պահին,³ կա՛մ առցանց՝ էլեկտրոնային եղանակով՝ E-visa համակարգի միջոցով:⁴

Մուտքի արտոնագրի տեսակները հետևյալն են՝

- Այցելության մուտքի վիզա. այցելության մուտքի վիզան տրվում է այն դեպքերում, երբ օտարերկրացին մտադրություն ունի մուտք գործել Հայաստան զբոսաշրջության, հարազատներին կամ այլ անձանց այցելության, աշխատանքային, տրանսպորտային և մասնագիտական գործունեությանն առնչվող այլ հարցերի, բուժօգնության կամ այլ նպատակներով՝ կարճաժամկետ տևողությամբ: Այցելության մուտքի վիզան տրվում է մեկանգամյա կամ բազմակի մուտքերի հնարավորությամբ, մեկ տարի վավերականության ժամկետով:
- Տարանցիկ մուտքի վիզա. մեկանգամյա կամ բազմակի մուտքի արտոնագիր՝ Հայաստանում 3 օրից ոչ ավելի տևողությամբ գտնվելու և առավելագույնը 4 օրով երկարաձգելու հնարավորությամբ, մեկ տարի վավերականության ժամկետով:

Այցելության և տարանցիկ վիզաները տրվում և դրանց ժամկետները երկարաձգվում են ՀՀ Ոստիկանության անձնագրային և վիզաների վարչության կողմից, որը հայտնի է նաև ՕԿԻՐ անվանմամբ:

Հայկական վիզաները տրվում են առավելագույնը 120 օր ժամկետով՝ ևս 60 օր երկարաձգման հնարավորությամբ, եթե որևէ այլ ժամկետ չի նախատեսված Հայաստանի Հանրապետության միջազգային համաձայնագրերով:

Ըստ Պետական վճարների մասին ՀՀ օրենքի 14-րդ հոդվածի՝ 2021 թ. հունիսի դրությամբ, օտարերկրյա քաղաքացիները և քաղաքացիություն չունեցող անձինք Հայաստան մուտք գործելու համար պետք է վճարեն սահմանային անցակետերում՝⁵

- Այցելության մուտքի վիզայի համար.
 - 15,000 ՀՀ դրամ (մինչև 120 օր ՀՀ-ում գտնվելու համար),
 - 3,000 ՀՀ դրամ (մինչև 21 օր ՀՀ-ում գտնվելու համար),
- բազմակի մուտքի վիզաների համար՝
 - 40,000 ՀՀ դրամ (մինչև 120 օր ՀՀ-ում գտնվելու և վիզայի 1 տարի վավերականության ժամկետի համար),
 - 20,000 ՀՀ դրամ (մինչև 60 օր ՀՀ-ում գտնվելու և վիզայի 6 ամիս վավերականության ժամկետի համար),
- տարանցիկ վիզայի համար՝
 - 10,000 ՀՀ դրամ մեկանգամյա մուտքով տարանցիկ վիզայի համար,
 - 18,000 ՀՀ դրամ բազմակի մուտքով 1 տարի վավերականության ժամկետով տարանցիկ վիզայի համար:⁶

Թուրքիայի քաղաքացիները պետք է նկատի ունենան, որ վիզայի համար վճարումը պետք է կատարվի բացառապես հայկական դրամով (AMD), բացի այդ, նրանք չեն կարող թուրքական լիրան (TRY) փոխարկել ՀՀ դրամի նախքան Հայաստան մուտք գործելը կամ Հայաստանում գտնվելու ընթացքում: Նրանք պետք է թուրքական լիրան փոխանակեն եվրոյի կամ ԱՄՆ դոլարի նախքան Թուրքիայից մեկնելը, այնուհետև այն վերածեն ՀՀ դրամի օդանավակայանում կամ ՀՀ տարածքում՝ տարադրամի փոխանակման գրասենյակներում և/կամ բանկերում իրենց՝ Հայաստանում գտնվելու ընթացքում: Այնուամենայնիվ, հարկ է նշել, որ Հայաստանի ողջ տարածքում կան բանկոմատներ, և մաստեր կամ վիզա քարտերը լայն գործածության մեջ են: Կանխիկ դրամ կարելի է ստանալ բանկոմատներից միայն ՀՀ դրամով:

Էլեկտրոնային վիզան տրամադրվում է ՀՀ արտաքին գործերի նախարարության կողմից 3 աշխատանքային օրվա ընթացքում: Նախարարությունը իրավասություն ունի պահանջելու ցանկացած հավելյալ տեղեկատվություն և փաստաթղթեր: Էլեկտրոնային վիզայի համար հնարավոր է դիմել միայն այցելության մուտքի վիզայի պարագայում՝ թե՛ կարճաժամկետ (մինչև 21 օր), թե՛ երկարաժամկետ (մինչև 120 օր) այցերի նպատակով: Համապատասխան վիզայի համար սահմանված պետական տուրքը գործում է նաև էլեկտրոնային վիզայի դեպքում՝ ավելացրած սպասարկման համար նախատեսված փոքր դրույքաչափ: Հատուկ, ծառայողական և դիվանագիտական անձնագրեր ունեցողները չեն կարող ՀՀ մուտքի արտոնագիր ստանալ էլեկտրոնային համակարգով:

Վերը նշված պայմանները վերաբերում են Թուրքիայի միայն այն քաղաքացիներին, որոնք ունեն սովորական անձնագրեր: Հատուկ (կանաչ), ծառայողական (մոխրագույն) կամ դիվանագիտական (սև) անձնագրեր ունեցողները Հայաստանի մուտքի արտոնագիր պետք է ձեռք բերեն կա՛մ հրավերի հիման վրա, կա՛մ Վրաստանում Հայաստանի հյուպատոսության դիվանագիտական ներկայացուցչություններից: Թուրքիայի քաղաքացիները, որոնք Հայաստան են այցելում հրավերի հիման վրա, չեն կարող վիզա ստանալ ժամանման պահին: Հրավերները⁷ պետք է պլանավորված այցից 3-4 շաբաթ առաջ ներկայացվեն Վրաստանում Հայաստանի դիվանագիտական ներկայացուցչություններ կամ ՀՀ արտաքին գործերի նախարարություն:

- Հայաստանում գրանցված իրավաբանական անձանց կողմից, կամ
- ՀՀ իշխանությունների և դիվանագիտական ներկայացուցչությունների կամ միջազգային կազմակերպությունների կամ էլ նրանց ներկայացուցիչների կողմից (ֆիզիկական անձինք հրավերը ներկայացնում են ՕԿԻՐ):

Անձնագրերի վերը նշված տեսակների համար վիզայի վճարը 5000 ՀՀ դրամ է (մոտ 9,60 ԱՄՆ դոլար), որը պետք է վճարել հրավերը ներկայացնելուց առաջ: Այս քաղաքացիները կարող են Հայաստան գալ միայն այն ժամանակ, երբ հրավերը հաստատվում է ՀՀ արտաքին գործերի նախարարության կողմից: Վիզայի տևողությունը կախված է հրավերում նշված ժամանման և մեկնման օրերից, իսկ ՀՀ-ում գտնվելու ժամանակահատվածը չի կարող գերազանցել 120 օրը (120 օր ՀՀ-ում գտնվելու դեպքում կիրառելի է համապատասխան գումարի չափը): Նման անձնագրեր ունեցող անձանց թույլ է տրվում մուտք գործել Հայաստան սահմանային անցակետում՝ ՀՀ արտաքին գործերի նախարարության կողմից տրամադրված պաշտոնական գրության հիման վրա: ՀՀ-ում գտնվելու ընթացքում այս քաղաքացիները պետք է ներկայանան ՀՀ արտաքին գործերի նախարարություն՝ ստանալու իրենց վիզան: Հարկ է, որ նրանք իրենց վավերական անձնագրի հետ միասին ներկայացնեն նաև մուտքի վիզայի դիմումը:⁸

Հայաստանում օտարերկրյա քաղաքացիները կարող են ունենալ կացության հետևյալ կարգավիճակները՝⁹

- ա) ժամանակավոր,
- բ) մշտական,
- գ) հատուկ:

Ժամանակավոր կացության իրավունքը կարող է տրվել, եթե առկա է Հայաստանում մինչև մեկ տարի կամ ավել ժամկետով բնակվելու հիմնավորում, օրինակ՝ կրթություն, աշխատանքի թույլտվության առկայություն, Հայաստանում ժամանակավոր

կացություն ունեցող օտարերկրացու ամուսինը, ծնողը կամ երեխան լինելու հանգամանքը կամ Հայաստանում գործարար գործունեություն ծավալելը և այլն: Ժամանակավոր կացության իրավունքը տրվում է մեկ տարով՝ ամեն անգամ ժամկետը մեկ տարով երկարաձգելու հնարավորությամբ: Եթե օտարերկրացիները ցանկանում են ինքնագբաղված լինել Հայաստանում և ստանալ ժամանակավոր աշխատանքային վիզա, նրանք պետք է իրենց բիզնեսը գրանցեն Հայաստանում՝ ներկայացնելով համապատասխան դիմում: Այնուամենայնիվ, նման դեպքերում պետական իշխանությունները կարող են այդ դիմումը հաստատել կամ մերժել՝ ըստ իրենց հայեցողության: Ըստ հայեցողության են դիտարկվում նաև այն դեպքերը, երբ օտարերկրացիները Հայաստան են այցելում վերը նշվածից զատ այլ պատճառներով: Օրինակ՝ եթե նրանք այցելում են Հայաստան մի շարք փոխանակման ծրագրերի շրջանակներում, ամբողջ աշխարհում կարգավորող օրենք: Այդ իսկ պատճառով պրակտիկայում Հայաստանում գտնվելու ժամկետը երկարաձգելու համար կիրառվում է Հայաստանից Վրաստան ելք և հետո նորից Հայաստան մուտք գործելու տարբերակը՝ ձեռք բերելով այցելության (գրասաշրջիկի) վիզա:

Մշտական կացության կարգավիճակ կարող է տրվել, եթե օտարերկրյա քաղաքացին ապացուցում է, որ

- ա) ունի ամուսին/կին կամ մոտ ազգականներ (ծնող, երեխա, քույր կամ եղբայր, պապիկ, տատիկ), որոնք
 << քաղաքացիներ են կամ ունեն հատուկ կացության կարգավիճակ, ունեն բնակության վայր և ապրուստի
 միջոցներ և նախքան մշտական կացության կարգավիճակ ստանալու համար դիմում ներկայացնելը ապրել են
 Հայաստանում 3 տարի,
- բ) ծագումով հայ են կամ բիզնես գործունեություն են ծավալում Հայաստանում:

Մշտական կացության կարգավիճակը շնորհվում է 5 տարի ժամկետով՝ ամեն անգամ 5 տարով ժամկետը երկարաձգելու հնարավորությամբ:

Արտաքսում

Երբ վիզայի կամ կացության թույլտվության ժամկետը լրանում է կամ կացության կարգավիճակ չի շնորհվում, օտարերկրյա քաղաքացին պետք է կամավոր հեռանա Հայաստանից:¹⁰ Եթե անձը կամավոր չի հեռանում Հայաստանից, ոստիկանությունը արտաքսման վարույթ է հարուցում և գործն ուղարկում դատարան:

Արգելվում է օտարերկրյա քաղաքացու արտաքսումն այնպիսի պետություն, որտեղ խախտվում են մարդու իրավունքները, մասնավորապես եթե անձը հետապնդվում է ռասայական, կրոնական, սոցիալական կարգավիճակի հիմքերով, քաղաքացիական կամ քաղաքական կարծիքի համար, ինչպես նաև այն դեպքերում, երբ նրանք կարող են ենթարկվել խոշտանգումների, անմարդկային կամ արժանապատվությունը նսեմացնող վերաբերմունքի, պատժի կամ մահապատժի:¹¹

Հատկանշական է, որ ապացուցման բեռը օտարերկրյա քաղաքացուն է՝ ներկայացնելու հետապնդման, խոշտանգումների, այլ անմարդկային կամ արժանապատվությունը նսեմացնող վերաբերմունքի և պատժի սպառնալիքի վերաբերյալ ապացույցներ:

Ավելին՝ Հայաստանում բնակվող օտարերկրյա քաղաքացիների արտաքսումն արգելվում է, եթե

- ա) նրանք անչափահաս են, իսկ նրանց ծնողներն օրինական հիմքերով բնակվում են Հայաստանում,
- բ) նրանք հոգ են տանում Հայաստանում բնակվող անչափահասների կամ 80 տարեկանից բարձր տարիքի անձանց համար:

Կոլեկտիվ արտաքսումը նույնպես արգելվում է:

Արտաքսման վարույթի ընթացքում օտարերկրյա քաղաքացիներն ունեն նույն արդար դատաքննության իրավունքը, ինչ Հայաստանի քաղաքացիները:¹² Հայաստանյան դատարանները պետք է ընդունեն արտաքսելու կամ արտաքսումը մերժելու մասին որոշում: Այդ որոշումը կարող է բողոքարկվել, և այդ դեպքում արտաքսումը կասեցվում է:

Վիզայի ժամկետը լրանալու դեպքում սովորական անձնագիր ունեցողները մինչև ժամկետը լրանալու ամսաթիվը կարող են նաև երկարաձգել իրենց վիզաները ՕՎԻՐ-ում, հակառակ դեպքում նրանք ստիպված կլինեն տուգանք վճարել օդանավակայանում՝ վիզաների պայմանների խախտումների գրասենյակում, եթե ճամփորդում են օդով, կամ սահմանային անցակետում, եթե ճամփորդում են Վրաստանով՝ ցամաքային ճանապարհով: Տուգանքի համար ֆիքսված գումար չկա սահմանված, և այն որոշվում է վիզաների պայմանների խախտման գրասենյակի կողմից, այնուամենայնիվ, այն կարող է տատանվել մոտավորապես 100,000 ՀՀ դրամի սահմաններում: Ի տարբերություն սովորական անձնագրեր ունեցողների՝ հատուկ, ծառայողական և դիվանագիտական անձնագրեր ունեցողները չեն կարող երկարաձգել իրենց վիզայի ժամկետը, իսկ վիզաների պայմանների խախտումների գրասենյակում վճարման ենթակա տուգանքի մասին կարգավորումներ չկան: Նման դեպքերում նրանք ենթարկվելու են իրավական պատասխանատվության:

Ազատագրվում

Օտարերկրացին կարող է տարվել տարանցիկ գոտի կամ հատուկ սահմանված հաստատություն, եթե

- օտարերկրյա քաղաքացու վերադարձը ծագման երկիր անհնար է,
- անձը չունի անձնագիր,
- անձն անցել է Հայաստանի Հանրապետության սահմանը անվավեր անձը հաստատող փաստաթղթով,
- մերժվել է անձի ներկայացրած մուտքի վիզայի դիմումը,
- մերժվել է անձի կացության թույլտվության դիմումը:¹³

Օտարերկրյա քաղաքացուն տարանցիկ գոտի տեղափոխելուց հետո 24 ժամվա ընթացքում սահմանային հսկողության ծառայությունը պետք է դիմի դատարան՝ օտարերկրյա քաղաքացուն մինչև 90 օր ժամկետով կալանավորելու թույլտվություն ստանալու համար: Եթե 90 օր անց անձի վերադարձը հնարավոր չի լինում կազմակերպել, օտարերկրյա քաղաքացին ոստիկանությունից ստանում է ժամանակավոր թույլտվություն՝ 1 տարուց ոչ ավելի ժամանակահատվածով:

Օտարերկրյա քաղաքացին կարող է կալանավորվել և պահվել հատուկ նշանակության հաստատությունում, եթե կան բավարար հիմքեր կասկածելու, որ նա կարող է փախչել արտաքսման վարույթից կամ արտաքսման որոշման իրագործումից առաջ:¹⁴ Օտարերկրյա քաղաքացուն տարանցիկ գոտում 48 ժամ պահելուց հետո ոստիկանությունը պետք է դիմում ներկայացնի դատարան՝ օտարերկրյա քաղաքացուն մինչև 90 օր ժամկետով կալանավորելու թույլտվություն ստանալու համար:

Ձերբակալությունից հետո ոչ ուշ քան 24 ժամվա ընթացքում ոստիկանությունը այդ մասին տեղեկացնում է կալանավորվածի ծագման պետության դեսպանությանը կամ հյուպատոսական ծառայություններին կամ Հայաստանում ապրող նրանց մտերիմներին: Թուրքիայի քաղաքացիների ձերբակալության դեպքում ոստիկանությունը այդ մասին հաղորդում է ՀՀ արտաքին գործերի նախարարությանը, որն էլ Վրաստանում Թուրքիայի դեսպանությանը տեղեկացնում է Հայաստանի տարածքում իրենց քաղաքացիների ձերբակալությունների մասին:

Ձերբակալված օտարերկրյա քաղաքացին կարող է պահվել հատուկ հաստատությունում մինչև արտաքսման վարույթի արդյունքում դատարանի ընդունած որոշման ուժի մեջ մտնելը, բայց ոչ ավել, քան 90 օր:

Կալանավորված կամ ձերբակալված օտարերկրյա քաղաքացիներն ունեն հետևյալ իրավունքները:¹⁵

- տեղեկացված լինել իրենց ձերբակալման կամ կալանավորման պատճառների մասին իրենց համար հասկանալի լեզվով կամ թարգմանչի օգնությամբ,
- դատարանում բողոքարկել իրենց վերաբերյալ ընդունված ցանկացած որոշում,
- որպես այցելու ընդունել փաստաբանի կամ այլ իրավական ներկայացուցչի (այդ թվում՝ հասարակական կազմակերպություններից), ծագման երկրի դիվանագիտական կամ հյուպատոսական ծառայությունների պաշտոնյայի: Թուրքիայի քաղաքացիների դեպքում դա անհնար է ապահովել Հայաստանի և Թուրքիայի միջև դիվանագիտական հարաբերությունների բացակայության պատճառով: Վրաստանում Թուրքիայի դեսպանությունը կարող է կապ հաստատել Հայաստանում գործող փաստաբանի հետ, որպեսզի տեղեկատվություն ստանա կալանքի տակ գտնվող անձի մասին և այնուհետև տեղեկությունը փոխանցի Թուրքիայում գտնվող հարազատներին: Կալանքի տակ գտնվող անձը կարող է ստուգել՝ արդյոք Վրաստանում Թուրքիայի դեսպանությունը կամ հյուպատոսարանը ունի հայ իրավաբանների ցանկը: Բացի այդ, կալանքի տակ գտնվող անձի հարազատները կարող են ձեռք բերել իրավաբանների ցանկը՝ կոնսուլտային տվյալներով հանդերձ՝ այցելելով Փաստաբանների պալատի գրասենյակ կամ կայքէջ:¹⁶
- դիմել դատարան՝ խնդրելով վերացնել կալանքը և ազատ արձակել իրենց,
- ստանալ անհրաժեշտ բուժօգնություն:

Արտահանձնում

Օտարերկրացիների արտահանձնումը արգելվում է, եթե մեղադրանքի հիմք հանդիսացող արարքի համար նախատեսված է մահապատիժ կամ կան լուրջ հիմքեր կասկածելու, որ նրանք կարող են ենթարկվել խոշտանգումների, անմարդկային և արժանապատվությունը նվաստացնող վերաբերմունքի կամ պատժի:¹⁷

Անձը կարող է պահվել 40-օրյա ժամանակավոր կալանքի տակ արտահանձնման միջնորդություն ստանալու կամ արտաքսումը կանխող հանգամանքները պարզաբանելու նպատակով, եթե հանցագործությունը կատարվել է արտասահմանում, իսկ անձը ձերբակալվել է Հայաստանի տարածքում:¹⁸

Արտահանձնման նպատակով կալանավորումը կիրառվում է յուրաքանչյուր անգամ երկու ամիս ժամկետով, բայց ընդհանուր առմամբ չի կարող գերազանցել 8 ամիսը: Նույն կանոնը կիրառելի է ազատության գրկման հետ չկապված այլ խափանման միջոցների նկատմամբ:¹⁹

Ձերբակալված կամ կալանավորված անձն իրավունք ունի ունենալու փաստաբան, իմանալու, թե ինչու է մեղադրվում, բողոքարկելու քննիչի, դատախազի կամ դատարանի որոշումները, ունենալու թարգմանիչ, հաղորդակցվելու իր մտերիմ հարազատների հետ:²⁰

Եթե արտասահմանում հարուցված քրեական գործը գտնվում է մինչդատական վարույթում, արտահանձնման թույլտվության կամ արտահանձնումը մերժելու վերաբերյալ որոշումները ընդունում է Հայաստանի Հանրապետության գլխավոր դատախազը, իսկ եթե գործը գտնվում է դատական վարույթում կամ եթե տվյալ անձի վերաբերյալ կա օրինական ուժի մեջ մտած դատավճիռ, արտահանձնումը մերժելու վերաբերյալ որոշումն ընդունում է ՀՀ արդարադատության նախարարը կամ դատավճիռ կայացրած դատարանը՝ Արդարադատության նախարարի միջնորդությամբ:²¹ Այս որոշումները կարող են բողոքարկվել Վերաքննիչ քրեական դատարան դրանք ստանալուց հետո 10 օրվա ընթացքում, իսկ Վերաքննիչ քրեական դատարանի որոշումները կարող են բողոքարկվել Վճռաբեկ դատարանում դրանք ստանալուց հետո 5 օրվա ընթացքում:

Օտարերկրյա պետության՝ արտահանման մասին խնդրանքը կարող է մերժվել, եթե

- անձին ապաստան է տրվել Հայաստանում,
- անձը հետապնդվում է քաղաքական, ռասայական կամ կրոնական շարժառիթներով,
- անձը հետապնդվում է խաղաղ ժամանակ զինվորական հանցագործություն կատարելու համար,
- հանցագործությունը կատարվել է ՀՀ տարածքում:²²

Հայաստանը և Թուրքիան կարող են համագործակցել արտահանման ընթացակարգերի շուրջ՝ միջազգային բազմակողմ շրջանակային պայմանագրերի, օրինակ՝ ՄԱԿ-ի «Անդրազգային կազմակերպված հանցավորության դեմ» կոնվենցիայի կամ միջազգային կազմակերպության, օրինակ՝ Ինտերպոլի միջազգային կազմակերպության կողմից հայտարարված հետախուզման ընթացակարգերի շրջանակներում: Այնուամենայնիվ, դիվանագիտական հարաբերությունների բացակայության պատճառով նման համագործակցությունը կարող է սահմանափակվել առանձին դեպքերով:

Ապաստան

Հայաստանում անձը կարող է ապաստանի համար դիմում ներկայացնել հետևյալ ընթացակարգերով.

- Հայաստանի սահմանին գտնվելու պահին՝ ներկայացնելով դիմում Սահմանային հսկողության ծառայությանը կա՛մ բանավոր, կա՛մ գրավոր, կա՛մ նշանների լեզվով,

կամ

- Հայաստանի Հանրապետությունում գտնվելու դեպքում՝ ներկայացնելով դիմում Պետական միգրացիոն ծառայությանը (ՊՄԾ) կամ ոստիկանությանը:²³

Թեև վերը նշված տարբերակները լայնորեն կիրառվում են, հարկ է նաև նշել, որ անձը կարող է ապաստանի համար դիմում ներկայացնել նաև ոստիկանություն, նույնիսկ երբ կալանքի տակ է կամ ձերբակալված է: Այս դեպքում իշխանությունները պարտավոր են ցանկացած պարագայում ընդունել դիմումը:

Օտարերկրյա քաղաքացուն ապաստան չի տրվում, եթե լուրջ հիմքեր կան կարծելու, որ նա

- կատարել է հանցագործություն ընդդեմ մարդկության, խաղաղության, կամ թույլ է տվել պատերազմական հանցագործություն,
- կատարել է ոչ քաղաքական բնույթի ծանր հանցագործություն նախքան Հայաստանի Հանրապետությունում ապաստանի համար հայց ներկայացնելը,
- մեղավոր է ճանաչվել ՄԱԿ-ի նպատակներին և սկզբունքներին հակասող արարքների կատարման մեջ:²⁴

Ավելին՝ ապաստանի տրամադրումը կարող է մերժվել, եթե անձը ժամանել է երրորդ, անվտանգ երկրից, որտեղ չկա հետապնդման և մարդու իրավունքների խախտումների վտանգ կամ ծագման երկրի վերադառնալու վախ, կամ որտեղ չկա համատարած բռնության, արտաքին ագրեսիայի, ներքին հակամարտությունների կամ հասարակական կարգը խախտող այլ վարքի սպառնալիք, և անձը կարող է վերադառնալ իր ծագման երկիրը:

Ապաստանի տրամադրման հիմքերը գնահատելու նպատակով ՊՄԾ-ի ներկայացուցիչները հարցազրույցներ են վարում: Արդյունքում ՊՄԾ-ն որոշում է կայացնում կա՛մ թույլատրել, կա՛մ մերժել ապաստանի տրամադրումը: Մերժման մասին որոշումը կարելի է բողոքարկել Վարչական դատարանում այն ստանալուց հետո 30 օրվա ընթացքում:²⁵

Սեփականության իրավունքներ

Օտարերկրյա քաղաքացիները ունեն սեփականության նույն իրավունքները, ինչ Հայաստանի քաղաքացիները՝ բացառությամբ հողի սեփականության, ինչի իրավունքը վերապահված է միայն Հայաստանի քաղաքացիներին:²⁶

Դրամական փոխանցումներ

Ներկայումս Թուրքիան ոչ ֆորմալ պատժամիջոցներ է կիրառում դեպի Հայաստան և Հայաստանից կատարվող բանկային փոխանցումների նկատմամբ: Ցանկացած գործարք ենթակա է Արտաքին առևտրի ենթաքարտուղարության հաստատմանը: Միայն մի քանի մասնավոր բանկեր կան, որ առանձին դեպքերում թույլ են տալիս բանկային փոխանցումներ կատարել Հայաստան և Հայաստանից փոխանցումներ ստանալ:²⁷

Իրավական աջակցություն

Եթե Թուրքիայի քաղաքացիները ունենան իրավական աջակցության կարիք, թե՛ մայրաքաղաք Երևանում, թե՛ մարզերում գործում են բազմաթիվ փաստաբանական գրասենյակներ: Ավելին՝ նրանք կարող են ծանոթանալ Հայաստանի փաստաբանների պալատի պաշտոնական կայքէջում լիցենզավորված փաստաբանների ցանկին՝ այցելելով www.advocates.am կայքէջը: Տեղական փորձագետները կարող են աջակցել Թուրքիայի քաղաքացիներին՝ տրամադրելով իրավաբանական ներկայացուցչություն պետական և ոչ պետական մարմինների, դատարանների առջև՝ լրացնելով իրավական փաստաթղթեր, այդ թվում՝ վիզայի դիմումներ, կացության թույլտվության դիմումներ, ապաստանի հայցման դիմումներ և այլն: Նախկինում հաջողված համագործակցություն է եղել Թուրքիայի քաղաքացիների և տեղական փաստաբանների միջև քրեական, քաղաքացիական և վարչական վարույթներում:

- 1 ՀՀ Վիճակագրական տարեգիրք (2010-2019):
- 2 Հայաստան-Թուրքիա հյուպատոսական հարաբերությունների մասին քաղաքականության միջանկյալ համառոտագիր, Հայաստան-Թուրքիա փորձագետների երկխոսության խումբ, սեպտեմբեր 2018 թ.:
- 3 https://www.mfa.am/filemanager/consular/visa/uppon_arival_eng.pdf: Ցամաքային ճանապարհով Վրաստանից ՀՀ մուտք գործելու դեպքում Բազրատաշենի կամ Սաղախլոյի անցակետերում Թուրքիայի քաղաքացիները պետք է այցելեն Թբիլիսիում ՀՀ դեսպանատուն և ստանան վիզան դեսպանությունից՝ ներկայացնելով նախարարության կողմից տրված հատուկ թույլտվության նամակ՝ ըստ իրենց անունների: Եթե իրավիճակի մասին դեսպանությանը նախնական ծանուցում է ուղարկվել, նրանք կարող են վիզան տրամադրել նաև նույն օրը: Թբիլիսիում ՀՀ դեսպանություն կարելի է դիմել միայն աշխատանքային օրերին և աշխատանքային ժամերին: Այդ իսկ պատճառով կարևոր է ձանձուրությունը պլանավորել համապատասխանաբար: Թբիլիսիում ՀՀ դեսպանության կայքէջ՝ <https://georgia.mfa.am/en>:
- 4 <https://evisa.mfa.am/>
- 5 Վճարումների մասին թարմացված տեղեկությունների համար տե՛ս <https://www.mfa.am/en/fees/>:
- 6 2021 թ. հունիսի 21-ի դրությամբ 1 թուրքական լիրան համարժեք է 59,16 ՀՀ դրամի, իսկ 1 ԱՄՆ դոլարը 513,73 ՀՀ դրամ է:
- 7 https://www.mfa.am/filemanager/consular/visa/invitation_form.pdf
- 8 <https://www.mfa.am/filemanager/consular/visa/visaappform.pdf>
- 9 ՀՀ օրենքը օտարերկրացիների մասին, Հոդված 14:
- 10 Հոդված 30, նույն տեղում:
- 11 Հոդված 32, նույն տեղում:
- 12 Հոդված 33, նույն տեղում:
- 13 Հոդված 37, նույն տեղում:
- 14 Հոդված 38, նույն տեղում:
- 15 Հոդված 39, նույն տեղում:
- 16 Փաստաբանների պալատի կայքէջ՝ www.advocates.am, հասցե՝ Ջալալյան 7-2, Երևան:
- 17 Հոդված 41, նույն տեղում:
- 18 Հոդված 478.2, Քրեական դատավարության օրենսգիրք:
- 19 Հոդված 478.3, նույն տեղում:
- 20 Հոդված 478.4, նույն տեղում:
- 21 Հոդված 479, նույն տեղում:
- 22 Հոդված 488, նույն տեղում:
- 23 Հոդված 13, Փախստականների և ապաստանի մասին օրենք:
- 24 Հոդված 11, նույն տեղում:
- 25 Հոդված 57, նույն տեղում:
- 26 Հոդված 60, կետ 6, ՀՀ Սահմանադրություն:
- 27 Հայաստան և Թուրքիա. հարաբերությունների և կարգավորման հեռանկարների ակնարկ, Ա. Այունց և Թ. Քյոսե՝ Բ. Բեջերմենի մասնակցությամբ, 2019, HDV հրատարակչություն, էջ 29:

Սույն աշխատանքն իրականացվել է Քրեթթ հիմնադրամի, Շվեյցարիայի արտաքին գործերի դաշնային դեպարտամենտի և Ուլոֆ Պալմե միջազգային կենտրոնի ֆինանսական աջակցությամբ: Ներկայացված բովանդակությունը ունի զուտ տեղեկատվական բնույթ և չպետք է դիտվի որպես պաշտոնական առաջարկ: Առկա գումարային տվյալները և տեղեկատվությունը համապատասխանում են փաստաթղթի մշակման ժամանակահատվածին: